

28 февраля 2026. Суббота 1 недели ВП.

Вмч. Феодора Тирона. Иверской иконы Божией Матери

Полиелейная Утреня (приходская)

Шестопсалмие

И начинаем шестопсалмие, слушая со всяким молчанием и умилением; читающий же брат с благоговением и страхом Божиим произносит:

Чтец: Слава в вышних Богу, и на земли мир, в человецех благоволение.
(Трижды)

Господи, устне мои отверзеши, и уста моя возвестят хвалу Твою.
(Дважды)

Псалом 3

Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующыя ми всуе: зубы грешников сокрушил еси. Господне есть спасение, и на людех Твоих благословение Твое.

Аз уснух и спях; востах, яко Господь заступит мя.

Псалом 37

Господи, да не яростию Твоею обличиши мене, ниже гневом Твоим накажешо мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хожах. Яко лядвия моя наполнися поруганий, и несть исцеления в плоти моей. Озлоблен бых и смирихся до зела, рыках от воздыхания сердца моего. Господи, пред Тобою все желание мое и воздыхание мое от Тебе не утайся. Сердце мое смятется, остави мя сила моя, и свет

о́чию мою́, и той несть со мно́ю. Друзи мой и искреннии мой прямо мне приближишася и ста́ша, и ближнии мой отдалече мене́ ста́ша и нуждахуся ищущии ду́шу мою́, и ищущии злая́ мне глаго́лаху суетная и льстивным весь день поучахуся. Аз же яко глух не слы́шах и яко нем не отверза́яй уст своих. И бых яко человек не слы́шай и не имый во устех своих обли́чения. Яко на Тя, Го́споди, упова́х, Ты услы́шиши, Го́споди Бо́же мой. Яко рех: да не когда́ пора́дуют ми ся врази́ мой: и внегда́ подвижа́тися нога́м моим, на мя велере́чеваша. Яко аз на ра́ны гото́в, и боле́знь моя́ предо мно́ю есть вину́. Яко беззако́ние мое́ аз возвещу́ и попеку́ся о гресе́ моем. Врази́ же мой живу́т и укрепя́шася па́че мене́, и умно́жишася ненави́дящии мя без пра́вды. Воздаю́щии ми злая́ возблага́я оболга́ху мя, зане́ гонях благосты́ню. Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Псалом 62

Бо́же, Бо́же мой, к Тебе́ у́треннюю, возжада́ Тебе́ душа́ моя́, коль мно́жицею Тебе́ плоть моя́, в земли́ пу́сте и непрохо́дне, и безво́дне. Та́ко во святе́м яви́хся Тебе́, видети́ си́лу Твою́ и сла́ву Твою́. Яко лу́чши ми́лость Твоя́ па́че живо́т, устне́ мой похва́лите Тя. Та́ко благословлю́ Тя в животе́ моем, о́ имени Твое́м воздежу́ ру́це мой. Яко от ту́ка и ма́сти да испо́лнится душа́ моя́, и устна́ма ра́дости восхва́лят Тя уста́ моя́. А́ще помина́х Тя на посте́ли мое́й, на у́тренних поуча́хся в Тя. Яко был еси́ по́мощник мой, и в кро́ве крилу́ Твое́ю возра́дуюся. Прильпе́ душа́ моя́ по Тебе́, мене́ же прия́т десни́ца Твоя́. Ти́и же всу́е иска́ша ду́шу мою́, вни́дут в преиспо́дняя земли́, преда́дутся в ру́ки ору́жия, ча́сти ли́совом бу́дут. Царь же возвесели́тся о Бо́зе, похва́лится всяк кленый́ся Им, яко заградя́шася уста́ глаго́лющих непра́ведная.

На у́тренних поуча́хся в Тя, яко был еси́ Помощник мой, и в кро́ве крилу́ Твое́ю возра́дуюся.

Прильпе́ душа́ моя́ по Тебе́, мене́ же прия́т десни́ца Твоя́.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды, без поклонов)*

Господи помилуй *(трижды)*.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Псалом 87

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́, я́ко испо́лнися зол ду́ша моя́, и живо́т мой аду прибли́жися. Привмене́н бых с низходя́щими в ров, бых я́ко челове́к без по́мощи, в ме́ртвых свободо́, я́ко я́звеннии спя́щии во гробе́, ихже не помяну́л еси́ ктому́, и ти́и от руки́ Твоея́ отрино́вени бы́ша. Положи́ша мя в ро́ве преиспо́днем, в те́мных и се́ни сме́ртней. На мне утверди́ся я́рость Твоя́, и вся во́лны Твоя́ навел еси́ на мя. Уда́лил еси́ зна́емых мои́х от мене́, положи́ша мя ме́рзость се́бе: пре́дан бых и не исхожда́х. О́чи мои́ изнемо́госте от нищеты́, воззва́х к Тебе́, Го́споди, весь день, возде́х к Тебе́ ру́це мои́. Еда́ ме́ртвыми тво́риши чуде́са? Или́ вра́чеве воскреся́т, и испове́дятся Тебе́? Еда́ пове́сть кто во гробе́ ми́лость Твою́, и и́стину Твою́ в по́гибели? Еда́ позна́на бу́дут во тьме чуде́са Твоя́, и пра́вда Твоя́ в землі забвённой? И аз к Тебе́, Го́споди, воззва́х и у́тро моли́тва моя́ предва́рит Тя. Вску́ю, Го́споди, отрееши ду́шу мою́, отвраща́еши лице́ Твое́ от мене́? Нищ есмь аз, и в труде́х от ю́ности моея́; возне́с же ся, смири́хся, и изнемо́гох. На мне преи́доша гне́ви Твои́, устраше́ния Твоя́ возмути́ша мя, обыдо́ша мя я́ко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х и в но́щи пред Тобо́ю. Да вни́дет пред Тя моли́тва моя́, приклони́ у́хо Твое́ к моле́нию моему́.

Псалом 102

Благослови́, ду́ше моя́, Го́спода, и вся вну́тренняя моя́ и́мя свято́е Его́. Благослови́, ду́ше моя́, Го́спода, и не забыва́й всех воздая́ний Его́, очища́ющаго вся беззако́ния тво́я, исцеля́ющаго вся недуги тво́я, избавля́ющаго от ислéния живо́т твой, венча́ющаго тя ми́лостью и щедро́тами, исполня́ющаго во благо́х жела́ние твоё: обнові́тся я́ко о́рля ю́ность тво́я. Твори́й ми́лостыни Госпо́дь, и судьбу́ всем оби́димым. Сказа́ пути́ Сво́я Моисе́ови, сыно́вом Изра́иловым хоте́ния Сво́я: щедр и ми́лостив Госпо́дь, долготерпели́в и многомі́лостив. Не до конца́ прогне́вается, ниже́ во век вражду́ет, не по беззако́нием на́шим сотвори́л есть нам, ниже́ по грехо́м на́шим возда́л есть нам. Я́ко по высоте́ небéсней от землі, утверди́л есть Госпо́дь ми́лость Свою́ на боя́щихся Его́. Ели́ко отстоя́т

востóцы от за́пад, уда́лил есть от нас беззако́ния на́ша. Якоже ще́дрит о́тец сы́ны, ущедри Го́сподь боя́щихся Его́. Яко Той позна́ создание на́ше, помяну́, яко персть есмь. Чело́век, яко трава́ дние его́, яко цвет се́льный, тако оцвете́т, яко дух про́йде в нем, и не бу́дет, и не позна́ет ктому́ ме́ста своего́. Милость же Го́сподня от ве́ка и до ве́ка на боя́щихся Его́, и пра́вда Его́ на сынéх сынóв, храня́щих завет Его́, и по́мнящих за́поведи Его́ творити я́. Го́сподь на небесí угото́ва престóл Свой, и Ца́рство Его́ все́ми облада́ет. Благослови́те Го́спода вси А́нгели Его́, си́льнии крeпостию, творя́щие сло́во Его́, услы́шати глас словéс Его́. Благослови́те Го́спода вся си́лы Его́, слуги́ Его́, творя́щие во́лю Его́. Благослови́те Го́спода вся дела́ Его́, на вся́ком ме́сте влады́чества Его́, благослови́, душе́ моя́, Го́спода. На вся́ком ме́сте влады́чества Его́, благослови́, душе́ моя́, Го́спода.

Псалом 142

Го́споди, услы́ши моли́тву мою́, внуши́ моле́ние моё во и́стине Твое́й, услы́ши мя в пра́вде Твое́й и не вни́ди в суд с рабо́м Твои́м, яко не оправди́тся пред Тобо́ю всяк живы́й. Яко погна́ враг ду́шу мою́, смири́л есть в зéмлю живóт мой, посади́л мя есть в тёмных, яко мёртвыя ве́ка. И уны́ во мне дух мой, во мне смяте́ся се́рдце моё. Помяну́х дни дрéвния, поучи́хся во всех дeлeх Твои́х, в творeниих руку́ Твое́ю поуча́хся. Воздeх к Тебe ру́це мои́, душа́ моя́, яко земля́ безводная Тебe. Ско́ро услы́ши мя, Го́споди, исчезé дух мой, не отврати́ лица́ Твоего́ от мене́, и уподо́блюся низходя́щим в ров. Слы́шану сотвори́ мне за́втра ми́лость Твою́, яко на Тя упова́х. Скажи́ мне, Го́споди, путь во́ньже пойду́, яко к Тебe взях ду́шу мою́. Изми́ мя от враг мои́х, Го́споди, к Тебe прибего́х. Научи́ мя творити во́лю Твою́, яко Ты еси́ Бог мой. Дух Твой благи́й наста́вит мя на зéмлю пра́ву. Имене́ Твоего́ ра́ди, Го́споди, живи́ши мя, пра́вдою Твое́ю изведе́ши от печáли ду́шу мою́. И ми́лостию Твое́ю потреби́ши враги́ моя́ и погуби́ши вся стужа́ющыя души́ моeй, яко аз раб Твой есмь.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Дух Твой Благи́й наста́вит мя на зéмлю пра́ву.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебe, Бо́же. *(Трижды)*

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Ектения великая

Диакон: Мiром Гóсподу помóлимся.

Лик: Гóсподи, помíлуй. (*на каждое прошение*)

Диакон: Заступí, спасí, помíлуй и сохрани нас, Бóже, Твоёю благодáтию
И прошения по чину.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянуvше, сами себе и друг друга, и весь живóт наш Христóу Бóгу предадiм.

Лик: Тебé, Гóсподи.

Священник: Яко подобáет Тебé всякая слава, честь и поклонение, Отцú, и Сýну, и Святому Дúху, ныне и прiсно, и во вéки векóв.

Лик: Амiнь.

«Бог Господь»

Диакон: Бог Госпóдь, и явiся нам, благословén Грядýй во имя Госпóдне.

Стих 1: Исповéдайтесь Гóсподеви, яко Благ, яко в век мiлость Его.

Глас 1: Бог Госпóдь, и явiся нам, благословén Грядýй во
iмя Госпóдне.

Стих 2: Обышédше обыдóша мя, и iменем Госпóдним противлiхся им.

Лик: Бог Госпóдь, и явiся нам, благословén Грядýй во iмя Госпóдне.

Стих 3: Не умрú, но жив бúду, и повém делá Госпóдня.

Лик: Бог Госпóдь, и явiся нам, благословén Грядýй во iмя Госпóдне.

Стих 4: Кáмень, Егóже небрегóша зiждуции, Сей бысть во главú úгла, от Гóспода бысть Сей, и есть дiвен во очесéх нáших.

Лик: Бог Госпóдь, и явiся нам, благословén Грядýй во iмя Госпóдне.

**Тропарь Иверской иконы Божией Матери (перенос с 12 февраля ст.ст.),
глас 1**

Дёрзость ненавидящих образ Гóсподень/ и держава нечестивых безбожно в Никею приiде,/ и пóсланнии безчело-

вечно вдовицу,/ благочестно чтущую икону Богоматере,
истязуют,/ но тая нощию с сыном икону в море пусті, вопи-
юще:/ Слава тебе, Чистая,/ яко непроходимое море плещи
своя подаде,// слава правошествию Твоему, Едина Нетлен-
ная. **(Дважды)**

Слава Отцу, и Сыну, и Святому Духу.

Тропарь вмч. Феодора Тирона, глас 2

Велия веры исправления,/ во источнице пламене, яко на
воде упокоения,/ святыи мученик Феодор радовашеся;/ ог-
нем бо всеожжегся,/ яко хлеб сладкий Троице принесся./
Того молитвами, Христе Боже,// спаси души наша.

Тропарь Иверской иконы Божией Матери (перенос с 12 февраля ст.ст.), глас 1

И ныне, и присно, и во веки веков. Аминь.

Дерзость ненавидящих образ Господень/ и держава нече-
стивых безбожно в Nikeю прииде,/ и посланнии безчело-
вечно вдовицу,/ благочестно чтущую икону Богоматере,
истязуют,/ но тая нощию с сыном икону в море пусті, вопи-
юще:/ Слава тебе, Чистая,/ яко непроходимое море плещи
своя подаде,// слава правошествию Твоему, Едина Нетлен-
ная.

Лик: Господи, помилуй. **(Трижды)** Слава Отцу и Сыну и
Святому Духу.

Чтец: И ныне и присно, и во веки веков. Аминь.

Кафизма 16

Псалом 109

Рече Господь Господеви моему: седи одесную Мене, дондеже положу враги Твоя подножие ног Твоих. Жезл силы пошлет ти Господь от Сиона, и господствуй посреде врагов Твоих. С Тобою начало в день силы Твоея, во светлостех святых Твоих, из чрева прежде денницы роди Тебя. Клянутся Господь и не раскается: Ты иерей во век, по чину Мелхиседекову. Господь одесную Тебе сокрушил есть в день гнева Своего царя. Судит во языцех, исполнит падения, сокрушит главы на земли многих. От потока на пути пьет, сего ради вознесет главу.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 112

Хвалите, отроцы, Господа, хвалите имя Господне. Буди имя Господне благословенно отныне и до века. От восток солнца до запад хвалено имя Господне. Высок над всеми языки Господь: над небесы слава Его. Кто яко Господь Бог наш? На высоких живый и на смиренныя призирая на небесы и на земли, воздвизая от земли нища и от гноища возвышая убога, посадит его с князи, с князи людей своих, вселяя неплодовь в дом матери о чадах веселящуся.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 115

Верах, темже возглаголах, аз же смирихся зело. Аз же рех во изступлении моем: всяк человек ложь. Что воздам Господеви о всех, яже воздаде ми? Чашу спасения приму и имя Господне призову, молитвы моя

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Господеву воздам пред всеми людьми Его. Честна пред Господом смерть преподобных Его. О, Господи, аз раб Твой, аз раб Твой и сын рабыни Твоея; растерзал еси узы моя. Тебе пожру жертву хвалы, и во имя Господне призову. Молитвы моя Господеву воздам пред всеми людьми Его, во дворах дому Господня, посреде тебе, Иерусалиме.

Чтец: Слава Отцу и Сыну и Святому Духу, и ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Ектения малая

Диакон: Паки и паки, миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Твоя держава, и Твое есть царство, и сила, и слава, Отца и Сына и Святаго Духа, ныне, и присно, и во веки веков.

Лик: Аминь.

Седален по 1-ом стихословии

Пресветлаго зрака Твоего явление/ радость приносит всем верующим/ и обители Иверстей дарует стража неусыпна/ и от бед избавление./ Темже поём Ти, Пречистая:/ покрывай нас присно Покровом Твоим.

Слава Отцу, и Сыну, и Святому Духу, и ныне и присно, и во веки веков. Аминь.

Веселятся днесь светло Афона паствы,/ песней множество слагают,/ любовь Непорочную почитающе,/ величеством благодати красящися,/ юже прияша пришествием иконы Всенепорочныя Отроковицы,/ зарями Боговедения благочестно поющих озаряющия.

Лик: Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Кафизма 17

Псалом 118:1-12,1-12

Блажени непорочнии в путь, ходящи в законе Господни. Блажени испытующии свидения Его, всем сердцем взыщут Его, не делаючи бо беззакония, в путех Его ходиша. Ты заповедал еси заповеди Твоя сохранить зело. Дабы исправилися путие мой, сохранить оправдания Твоя. Тогда не постыжуся, внегда призрети ми на вся заповеди Твоя. Исповемся Тебе в правости сердца, внегда научити ми ся судьбам правды Твоея. Оправдания Твоя сохраню, не остави мене до зела. В чем исправит юнейший путь свой? Внегда сохранить словеса Твоя. Всем сердцем моим взысках Тебе, не отрини мене от заповедей Твоих. В сердце моем скрых словеса Твоя, яко да не согрешу Тебе. Благословен еси, Господи: научи мя оправданием Твоим. Блажени непорочнии в путь, ходящи в законе Господни. Блажени испытующии свидения Его, всем сердцем взыщут Его, не делаючи бо беззакония, в путех Его ходиша. Ты заповедал еси заповеди Твоя сохранить зело. Дабы исправилися путие мой, сохранить оправдания Твоя. Тогда не постыжуся, внегда призрети ми на вся заповеди Твоя. Исповемся Тебе в правости сердца, внегда научити ми ся судьбам правды Твоея. Оправдания Твоя сохраню, не остави мене до зела. В чем исправит юнейший путь свой? Внегда сохранить словеса Твоя. Всем сердцем моим взысках Тебе, не отрини мене от заповедей Твоих. В сердце моем скрых словеса Твоя, яко да не согрешу Тебе. Благословен еси, Господи: научи мя оправданием Твоим.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 118:73-84,73-84

Руце Твой сотвори́сте мя, и созда́сте мя: вразуми́ мя, и научу́ся за́поведем Твои́м. Боя́щиися Тебе́ узрят мя и возвеселя́тся, яко на словеса́ Твоя́ упова́х. Разумех Го́споди, яко пра́вда судьбы́ Твоя́, и вои́стинну смири́л мя еси́. Буди же ми́лость Твоя́, да утешит мя по словеси́ Твоему́ рабу́ Твоему́. Да приидут мне щедро́ты Твоя́, и жив буду́, яко за́кон Твой поуче́ние моё есть. Да постыдя́тся го́рдии, яко непра́ведно беззако́нноваша на мя, аз же поглумлю́ся в за́поведех Твои́х. Да обратят мя боя́щиися Тебе́, и ве́дящии свиде́ния Твоя́. Буди се́рдце моё непоро́чно во оправда́ниях Твои́х, яко да не постыжу́ся. Исчеза́ет во спасе́ние Твое́ душа́ моя́, на словеса́ Твоя́ упова́х. Исчезо́ша о́чи мой в сло́во Твое́, глаго́люще: когда́ утешиши мя? Зане́ бых яко мех на слáne: оправда́ний Твои́х не забых. Ко́лико есть дней раба́ Твоего́? Когда́ сотвори́ши ми от гоня́щих мя суд? Руце Твой сотвори́сте мя, и созда́сте мя: вразуми́ мя, и научу́ся за́поведем Твои́м. Боя́щиися Тебе́ узрят мя и возвеселя́тся, яко на словеса́ Твоя́ упова́х. Разумех Го́споди, яко пра́вда судьбы́ Твоя́, и вои́стинну смири́л мя еси́. Буди же ми́лость Твоя́, да утешит мя по словеси́ Твоему́ рабу́ Твоему́. Да приидут мне щедро́ты Твоя́, и жив буду́, яко за́кон Твой поуче́ние моё есть. Да постыдя́тся го́рдии, яко непра́ведно беззако́нноваша на мя, аз же поглумлю́ся в за́поведех Твои́х. Да обратят мя боя́щиися Тебе́, и ве́дящии свиде́ния Твоя́. Буди се́рдце моё непоро́чно во оправда́ниях Твои́х, яко да не постыжу́ся. Исчеза́ет во спасе́ние Твое́ душа́ моя́, на словеса́ Твоя́ упова́х. Исчезо́ша о́чи мой в сло́во Твое́, глаго́люще: когда́ утешиши мя? Зане́ бых яко мех на слáne: оправда́ний Твои́х не забых. Ко́лико есть дней раба́ Твоего́? Когда́ сотвори́ши ми от гоня́щих мя суд?

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прісно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помілуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прісно, и во ве́ки веко́в. Ами́нь.

Псалом 118:132-143,132-143

При́зри на мя и помілуй мя, по суду́ лю́бящих імя Твое́. Стопы́ моя́ напра́ви по словеси́ Твоему́, и да не облада́ет мно́ю вся́кое беззако́ние. Изба́ви мя от клеветы́ челове́ческа́я, и сохра́ню за́поведи Твоя́. Лице́ Твое́ просвети́ на раба́ Твоего́, и научи́ мя оправда́нием Твои́м. Исхо́дища вод-

на́я изведо́сте о́чи мои́, поне́же не сохрани́х зако́на Твоего́. Пра́веден еси́, Го́споди, и пра́ви суди́ Твои́. Запове́дал еси́ пра́вду свидѣ́ния Твоя́, и и́стину зело́. Иста́яла мя е́сть ре́вность Твоя́, я́ко забы́ша словеса́ Твоя́ врази́ мои́. Разжже́но сло́во Твое́ зело́, и раб Твой возлю́би е́. Юне́йший аз есмь и уничиже́н, оправда́ний Твои́х не забы́х. Пра́вда Твоя́ пра́вда во век, и зако́н Твой и́стина. Ско́рби и ну́жды обрето́ша мя, за́поведи Твоя́ поуче́ние моё. При́зри на мя и поми́луй мя, по суду́ лю́бящих и́мя Твое́. Стопы́ моя́ напра́ви по словеси́ Твоему́, и да не облада́ет мно́ю всякое беззакóние. Изба́ви мя от клеветы́ челове́ческа́я, и сохрани́ю за́поведи Твоя́. Лице́ Твое́ просвети́ на раба́ Твоего́, и научи́ мя оправда́нием Твои́м. Исхо́дища водна́я изведо́сте о́чи мои́, поне́же не сохрани́х зако́на Твоего́. Пра́веден еси́, Го́споди, и пра́ви суди́ Твои́. Запове́дал еси́ пра́вду свидѣ́ния Твоя́, и и́стину зело́. Иста́яла мя е́сть ре́вность Твоя́, я́ко забы́ша словеса́ Твоя́ врази́ мои́. Разжже́но сло́во Твое́ зело́, и раб Твой возлю́би е́. Юне́йший аз есмь и уничиже́н, оправда́ний Твои́х не забы́х. Пра́вда Твоя́ пра́вда во век, и зако́н Твой и́стина. Ско́рби и ну́жды обрето́ша мя, за́поведи Твоя́ поуче́ние моё.

Чтец: Сла́ва Отцу́ и Сы́ну и Свято́му Ду́ху, и ны́не и при́сно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Ектенія малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себё́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко благ и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно, и во ве́ки веко́в.

Лик: Ами́нь.

Седален по 2-ом стихословию

Кипя веры православием, прелесть угасил еси злославия, упразднив идоольское безбожие: и всесожжение божественное быв, чудодействии орошаеши концы, мучениче преславне, Христа Бога моли даровати нам велию милость.

Слава Отцу, и Сыну, и Святому Духу.

Божественный дар, ты ко спасению всей даде вселенней, в страдальчествах укрепивый ты Господь, душевные наша болезни исцеляя, и телесные страсти побеждая, мучениче Феодоре, Христа Бога моли даровати нам велию милость.

И ныне и присно, и во веки веков. Аминь.

Невместимаго Бога, во утробе Твоей, Дево Пречистая, носившая, прежде век от Отца нетленно возсиявшего, Слова Ипостасного и Сына Единосущного, Сего моли с пророки и мученики, преподобными, постники и праведными, даровати нам разрешение прегрешений.

Полиелей

Лик: Хвалите имя Господне, хвалите, раби Господа.

Припев: Аллилуия (трижды).

Благословен Господь от Сиона, живый во Иерусалиме.

Припев: Аллилуия (трижды).

Исповедайтесь Господеви, яко благ, яко в век милость Его.

Припев: Аллилуия (трижды).

Исповедайтесь Богу Небесному, яко в век милость Его.

Припев: Аллилуия (трижды).

Величание

Лик: Велича́ем Тя,/ Пресвята́я Де́во,/ Богоизбра́нная Отрокови́це,/ и чтим о́браз Твой святы́й,/ и́мже то́чиши исцеле́ния// всем с ве́рою притека́ющим.

Чтец: Помяни́, Го́споди, Дави́да и всю крото́сть его́. **Величание**

Чтец: Я́ко кля́тся Го́сподеви, обеща́ся Бо́гу Иа́ковлю. **Величание**

Чтец: Се слы́шахом я́ во Евфра́фе, обрето́хом я́ в поля́х дубра́вы. **Величание**

Чтец: Пресла́вная глаго́лашася о Тебе́, гра́де Бо́жий. **Величание**

Лик: Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в, ами́нь. Аллилу́ия, аллилу́ия, аллилу́ия, сла́ва Тебе́, Бо́же. *(Дважды)*

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Священник: Я́ко благ и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно, и во ве́ки веко́в.

Лик: Ами́нь.

Седа́льны по полиелее:

Величье Твое́ кто испове́сть, Богоро́дице,/ явлением бо Твоея́ иконы уди́вила еси́ вся правосла́вныя,/ мно́гия недуги́ врачующи́ и болезни́ исцеля́ющи./ О Всеми́лостивая Влады́чице,/ не лиши́ нас и ны́не Твоего́ заступле́ния,/ но моли́твами Твоими́ за́щити́ и спаси́ правосла́вныя люди́/ и

силою Твоею оградí,/ да Тобóю хвáлящися/ и все упование на Тя возлагáюще,/ не постыдимся во веки.

Слáва Отцú, и Сýну, и Свято́му Дúху, и ны́не и прýсно, и во вéки веко́в. Амíнь.

Величие Твое кто исповесть, Богородице,/ явлением бо Твоея иконы удивила еси́ вся православныя,/ многия недúги врачýющи и болезни исцеляющыи./ О Всемилостивая Владычице,/ не лиши нас и ны́не Твоего́ заступления,/ но моли́твами Твоими защити́ и спаси́ православныя люди/ и силою Твоею оградí,/ да Тобóю хвáлящися/ и все упование на Тя возлагáюще,/ не постыдимся во веки.

Антифон 1, глас 4

Лик: От юности моея/ мнози борют мя страсти,/ но Сам мя заступí,/ и спаси́, Спасе мой.

Ненавидящи Сиона,/ посрамитесь от Господа,/ яко трава́ бо огнем / будете изсохше.

Слáва Отцú и Сýну и Свято́му Дúху.

Святы́м Дúхом/ всяка душа́ живи́тся,/ и чистото́ю возвыша́ется,/ светле́ется Трóическим Еди́нством священнота́йне.

И ны́не и прýсно и во вéки веко́в. Амíнь.

Святы́м Дúхом/ всяка душа́ живи́тся,/ и чистото́ю возвыша́ется,/ светле́ется Трóическим Еди́нством священнота́йне.

Чтение Евангелия

Диакон: Вонмем. Премудрость. Вонмем.

Прокимен Иверской иконы Божией Матери (перенос с 12 февраля ст.ст.)

Диакон: Прокимен, глас 4: Помяну́ Имя Твое́ / во всяком ро́де и ро́де.

Лик: Глас 4: Помяну́ Имя Твое́ / во всяком ро́де и ро́де.

Диакон: Стих: Отрыгну́ сердце мое́ сло́во блага́, глаголю́ аз дела́ моя́ Царéви.

Лик: Помяну́ Имя Твое́ / во всяком ро́де и ро́де.

Диакон: Помяну́ Имя Твое́

Лик: во всяком ро́де и ро́де.

Диакон: Го́споду помóлимся.

Лик: Го́споди, помíлуй.

Молитва перед чтением Евангелия

Священник: Яко свят еси́, Бо́же наш, и во святых почива́еши, и Тебе́ сла́ву возсыла́ем. Отцу́ и Сы́ну и Свято́му Ду́ху, ны́не и прісно и во ве́ки веко́в.

Лик: Амíнь.

Диакон: Всякое дыха́ние / да хва́лит Го́спода.

Лик: Всякое дыха́ние/ да хва́лит Го́спода.

Диакон: Хваліте Бо́га во святых Его́, хваліте Его́ в утверже́нии си́лы Его́.

Лик: Всякое дыха́ние/ да хва́лит Го́спода.

Диакон: Всякое дыха́ние

Лик: да хва́лит Го́спода.

Диакон: И о сподóбитися нам слы́шанию свята́го Ева́нгелия Го́спода Бо́га мо́лим.

Лик: Го́споди, помíлуй (*трижды*).

Диакон: Прему́дрость, прóсти! Услы́шим свята́го Ева́нгелия.

Священник: Мир всем.

Лик: И ду́хови твоему́.

Диакон: От Луки́ свята́го Ева́нгелия чтéние.

Лик: Сла́ва Тебе́, Го́споди, сла́ва Тебе́.

Священник: Во́нмем.

Евангелие от Луки, зачало 4. На Благовещение, на утрени. Сие же и на иные праздники Пресвятыя Богородицы. (Лк.1:39-49,56)

Во дни оны, воставши, Мариам, иде в горняя со тщанием, во град Иудов. И вниде в дом Захариин, и целова Елисавет. И бысть яко услыша Елисавет целование Мариино, възграся младенец во чреве ея, и исполнися Духа Свята Елисавет. И возопи гласом велиим, и рече: благословена Ты в женах, и благословен плод чрева Твоего. И откуда мне сие, да прииде Мати Господа моего ко мне? Се бо, яко бысть глас целования Твоего во ушию мою, възграся младенец радощами во чреве моем. И блаженна Веровавшая, яко будет совершение глаголанном Ей от Господа. И рече Мариам: величит душа Моя Господа, и возрадовася дух Мой о Бозе Спасе Моём. Яко призре на смирение рабы Своея, се бо, отныне ублажат Мя вси роди. Яко сотвори Мне величие Сильный, и свято имя Его. Пребысть же Мариам с нею яко три месяцы, и возвратися в дом Свой.

Лик: Слава Тебе, Господи, слава Тебе.

Псалом 50

Чтец: Помилуй мя, Бже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззаконных зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся. Слуху моему даши радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Бже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бже, Бже спасения моего, возрадуется язык мой правде Твоей. Господи, устне мои отверзеш, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая: тогда возложат на олтарь Твой тельцы.

Стихиры по 50 псалме

Лик: Глас 6: Сла́ва Отцу́, и Сы́ну, и Свято́му Ду́ху.

Моли́твами Богородицы, / Милостиве, очисти // множества согрешений наших.

Лик: И ны́не, и прісно, и во ве́ки веко́в. Ами́нь.

Моли́твами Богоро́дицы, / Милостиве, очисти // множества согрешений наших.

Таже, глас 6: Помілуй мя, Бо́же, / по вели́цей мілости Твое́й / и по мно́жеству щедро́т Твои́х // очисти беззако́ние моё.

Глас 6: Егда явление чу́днаго Твоего́ образа приспе́,/ тогда афонстии отцы,/ столп огненный на мори зряще,/ страхом одержими, недоумева́ху./ Гаври́л же, я́ко второ́й Петр, по мору́ ходя,/ со слезами вопіяше Тебе́:/ о Пресвята́я, // прииди́ и сохрани досто́яние Твое́ от враг ненавѣтно.

Диакон: Спаси́, Бо́же, лю́ди Твоя́....

Лик: Го́споди, поми́луй (12 раз).

Священник: Милостию и щедро́тами и человеколю́бием Единоро́днаго Твоего́ Сы́на, с Ни́мже благословѣн еси́, со Пресвяты́м, и Благо́м, и Животворя́щим Твои́м Ду́хом, ны́не и прісно, и во ве́ки веко́в.

Лик: Ами́нь.

Канон

Песнь 1

Кано́н Богоро́дицы (в па́мять Иверския ико́ны). Глас 8. На 3.

Ирмос, глас 8: Колесницегонителя фарао́ня погрузи́,/ чудотворяй иногда,/ Моисе́йский жезл, крестообра́зно поразив/ и

разделив море,/ Израиля же беглеца, пешеходца, спасе, //
песнь Бóгови воспевающа.

Припев: Пресвятая Богородице, спаси нас.

От скверных устен хваление прими, Всенепорочная,/ якоже прежде Сын Твой, Бог же мой и Господь, прият две лепты вдовицы,/ и разрешение прегрешений моих подаждь,/ яко да по долгу величаю Тя.

Припев: Пресвятая Богородице, спаси нас.

Ангельское пение подобаше Тебе, Матери Божией,/ Творца бо сих родила еси странно./ Но и от нас прими, Владычице, смиренныя сия молитвы,/ да поем Господеви:/ славно прославися в нашей немощи.

Канон великомученика Феодора Тирона. Глас 4. На 2.

Припев: Святыи великомучениче Феодоре, моли Бóга о нас.

Всех Превышший, Тя неизреченно родившую, всех предположи вышшую Своих избранных: темже днесь сего венечника поюще, Всепетая, Тебе предначинаем.

Припев: Святыи великомучениче Феодоре, моли Бóга о нас.

Великаго в мученицех, страдальца пресветлаго, имени таго и преславнаго в чудесех, от конец земли и до конец знаменитаго, песньми воспую Феодора.

Ин канон великомученика Феодора Тирона. Глас 6. На 2.

Припев: Святыи великомучениче Феодоре, моли Бóга о нас.

Чудный во святых воистинну Бóже, во мне удиви милости Твоя, Христэ, слово ми даруя, яко да чудная восхвалю Твоего мученика.

Припев: Святыи великомучениче Феодоре, моли Бóга о нас.

Твердое в страдальчестве, и терпеливое в болезнях показал еси, страсто-терпче Христов: скорое же паки на нас помощи являя твоея, Феодоре.

Слава Отцу, и Сыну, и Святому Духу, и ныне, и присно, и во веки веков. Аминь.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Катавасия

Богородичная катавасия. Глас 4. Песнь 1.

Ирмос, глас 4: Отвѣрзу уста моя, / и наполнятся Духа, / и слово отрыгну Царице Матери, / и явлюся, светло торжествуя, // и воспою, радуясь, Той чудеса.

Песнь 3

Канон Богородицы (в память Иверския иконы). Глас 8. На 3.

Ирмос, глас 8: Утверждѣй в начале Небеса разумом / и землю на водах основавай, / на камени мя, Христѣ, заповедей Твоих утверди, / яко несть свят паче Тебѣ, Едине Человеколюбче.

Припев: Пресвятая Богородице, спаси нас.

Утверди сердце мое во уповании на Тя, Богомати, / изми всякую гордыню и превозношение из помраченного ума моего, да вопию: / несть свят, яко Господь, и несть праведен, яко Бог наш.

Припев: Пресвятая Богородице, спаси нас.

Ты, о Богомати, немощствующия препоясуеши силою, / алчущия насыщаеши; / посети и мою немощь / и алчущаго и жаждущаго мене насыти Животнаго Хлеба, / чрез Твою девственную утробу сшедшаго с Небесе на землю.

Канон великомученика Феодора Тирона. Глас 4. На 2.

Припев: Святыи великомучениче Феодоре, моли Бога о нас.

Видети день Сына Твоего желающе христоименитии людие, во образ сего, Владычице, тому ныне предпразднствуют, Тебе носяще показание, и славнаго страстотерпца Твоего.

Припев: Святыи великомучениче Феодоре, моли Бога о нас.

Побеждают всякими образы лучшая: великий бо во страдальцах в веселие измени временную скорбь, святого зельное поста обратив во ослабление.

Ин канон великомученика Феодора Тирона. Глас 6. На 2.

Припев: Святыи великомучениче Феодоре, моли Бога о нас.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Первее в Ёвины ўши пошептáвый лéстно, и Адáма тóюже прельстíвый лéстно, той и ны́не яд злóбы к лéсти излия́.

Припев: Святы́й великомучениче Феодоре, моли́ Бо́га о нас.

Лестца́ имяше на него́, пита́ше не́истовство протíву правоживу́щим, вре́мя взыска́ше пра́вое, во́ньже ме́рзость сотвори́ти поучáшеся пребеззако́ннейший.

Сла́ва Отцу́, и Сы́ну, и Свято́му Ду́ху, и ны́не, и прíсно, и во ве́ки веко́в. Ами́нь.

Катавасия

Богородичная катавасия. Глас 4. Песнь 3.

Ирмос, глас 4: Тво́я песнослóвцы, Богоро́дице,/ Живы́й и Незави́стный Исто́чнице,/ лик себе совоку́пльшия, духо́вно утверди́/ в Божéственной Твоéй сла́ве// венце́в сла́вы сподо́би.

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твоéю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагословéнную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себé и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Я́ко благ и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прíсно, и во ве́ки веко́в.

Лик: Ами́нь.

Кондаки

Кондак вмч. Феодора Тирона

Глас 8: Вѣру Христову яко щит внутрь прием в сердце твоём, противныя силы попрал еси, многострадальче, и венцем небесным венчался еси вечно, Феодоре, яко непобедимый.

Икос: На престоле света носимаго, благодарственно верою воспеваем Тя, яко дарование Божественное даровал еси, добляго страданьми Феодора, в житий треблаженнаго, яко поборника суща истины: иже благочестивым помышлением стяжав Христа, державный бысть победитель на лестнаго, яко непобедимый.

Седальны

блж. Ксении Петербургской

Светлое днесь Заступницы нашае настá торжество./ Да възграется тварь,/ да ликовствуют человечести собори,/ созывает бо нас Святая Богородица видети огненосную икону Свою,/ лучами милости верныя просвещающую. Темже, радуящися, вопиём:/ спаси, Госпоже, от глада, огня, меча и бед вся почитающия явление иконы Твоея.

Слава Отцу, и Сыну, и Святому Духу.

Божественное всеоружие восприим, и идолов леств низложив, Ангелы воздвигл еси восхваляти подвиги твоя: божественным бо желанием ум распалив, смерть во огни доблественно презрел еси. Темже именованно просящим тя даруй Божественныя дары, исцелений подаiania, страсто-терпче Феодоре: молися Христу Богу, согрешений оставление даровати, празднующим любовь святую память твою.

И ныне, и присно, и во веки веков. Аминь.

Светлое днесь Заступницы нашае настá торжество./ Да възграется тварь,/ да ликовствуют человечести собори,/ созывает бо нас Святая Богородица видети огненосную икону Свою,/ лучами милости верныя просвещающую. Темже, радуящися, вопиём:/ спаси, Госпоже, от глада, огня, меча и бед вся почитающия явление иконы Твоея.

Песнь 4

Канон Богородицы (в память Иверския иконы). Глас 8. На 3.

Ирмос, глас 8: Ты моя крепость, Господи,/ Ты моя и сила,/ Ты мой Бог, Ты мое радование,/ не оставль недра Отча/ и нашу нищету посетив./ Тем с пророком Аввакумом зову Ти:// силе Твоей слава, Человеколюбче.

Припев: Пресвятая Богородице, спаси нас.

Покры Небеса добродетель Твоя, Богомати,/ и хвалы Твоя исполнятся земля,/ но положи любовь державную крепости Твоя и на мне, отчаянном.

Припев: Пресвятая Богородице, спаси нас.

Уготовляющи шествие чудней иконе Твоей, даде бездна глас свой,/ воздвижеса солнце, и сияние ея яко свет бысть,/ но Ты изшла еси на спасение людей,/ спасти Твое наследие пришла еси.

Канон великомученика Феодора Тирона. Глас 4. На 2.

Припев: Святыи великомучениче Феодоре, моли Бога о нас.

О новаго и преславнаго смешения же и растворения! Девству рождество соедини родивыйся Богочеловек: сетованным же днем веселие, Своего почитая страдальца, вмеси.

Припев: Святыи великомучениче Феодоре, моли Бога о нас.

Виждь, како Христа любяше, Христови воинствуй! Враги бо сего ревностию и огнем погуби, и себе конечно добрую и приятную Ему жертву усердно отдаде.

Ин канон великомученика Феодора Тирона. Глас 6. На 2.

Припев: Святыи великомучениче Феодоре, моли Бога о нас.

Совет совещаает нечестивейший, зрите яко воистинну есть страшно: разуме бо окаянный мерзскими брашны люди Христовы осквернити.

Припев: Святыи великомучениче Феодоре, моли Бога о нас.

В дело приведе совет беззаконный: возбранити бо повелев чистых ядений брашно, и предложити яже он оскверни кровьюми.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Богородичная катавасия. Глас 4. Песнь 4.

Ирмос, глас 4: Седя́й в Сла́ве/ на Престо́ле Божества́,/ во о́блаце лёгце,/ при́иде Иису́с Пребоже́ственный/ Нетле́нною Дла́нию и спасе́ зову́щия:// сла́ва, Христé, си́ле Твое́й.

Песнь 5

Канон Богородицы (в память Иверския иконы). Глас 8. На 3.

Ирмос, глас 8: Вску́ю мя отрину́л еси́/ от лица Твоего́, Свете незаходимый,/ и покрыла мя есть чужда́я тьма, окаяннаго,/ но обрати́ мя и к свету заповедей Твоих// пути моя направи, молюся.

Припев: Пресвятáя Богородице, спаси́ нас.

Виждь, Чистая, от но́щи у́треннюющия люди паствы Твоея́,/ икону Твою́ Богохва́льную обстоящи,/ разрешения же грехов просящия, и жития исправления, и Божественныя славы причáстия:/ не отрини́ убо нас от лица Твоего́, Света незаходимаго Мати.

Припев: Пресвятáя Богородице, спаси́ нас.

Всею душею и мыслию в па́стве Твое́й вси слику́юще,/ псалмы, и пёсньми духовными, и пением Божéственным икону Твою́ почитают,/ прощени́я грехов просяще и душ спасения./ Ты же, исцелéние наше сущи, сия́ вся подаждь, Влады́чице Богоневесто.

Канон великомученика Феодора Тирона. Глас 4. На 2.

Припев: Святы́й великомучениче Феодоре, моли́ Бо́га о нас.

Отверза́ются днесь преддвэ́рия благода́ти, и упокоéние ны́не са́мое прообража́ет воскресéние, си́це светоно́сне свéтлую Влады́чицу почи́тающе, и сла́внаго мученика.

Припев: Святы́й великомучениче Феодоре, моли́ Бо́га о нас.

Да́рует тезоименитый дар Бог, Феодора, возлюбившим явльшаго возлюбленнаго явлéние, пресла́вных дел творца́ и Божéственных сил самоде́теля содева́емаго.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Ин канон великомученика Феодора Тирона. Глас 6. На 2.

Припев: Святы́й великомучениче Феодоре, моли́ Бо́га о нас.

Тогда́шний у́бо архиере́й весь ужасну́вся, нечестіваго я́коже увéде совет, пёсньми всенощными́ Бо́га моля́ше, не презре́ти в ко́нec люде́й жре́бия его́.

Припев: Святы́й великомучениче Феодоре, моли́ Бо́га о нас.

Но ско́рый вои́стинну помо́щник, во исти́не и теплотé призыва́ющих, моле́ния их не презре́ всякаго: но скорéйшее им соделова́ет разреше́ние нача́ния.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Катавасия

Богородичная катавасия. Глас 4. Песнь 5.

Ирмос, глас 4: Ужасо́шася вся́ческая/ о Божёственной сла́ве Твоёй:/ Ты бо, Неискусобра́чная Де́во,/ имела еси́ во утробе́ над все́ми Бо́га/ и родила́ еси́ Безле́тнаго Сы́на,/ всем воспева́ющим Тя// мир подава́ющая.

Песнь 6

Канон Богородицы (в память Иверския иконы). Глас 8. На 3.

Ирмос, глас 8: Очисти́ мя, Спа́се,/ мно́га бо беззакония моя,/и из глубины́ зол возведи, молю́ся:/ к Тебе́ бо возопих, и услы́ши мя,// Бо́же спасения́ моего́.

Припев: Пресвята́я Богороди́це, спаси́ нас.

В скорби́ се́рдца вопи́ю Ти, Влады́чице,/ житейского́ мо́ря потопля́ем бу́рею,/ к Тебе́, я́ко тихому́ пристани́щу, прибегаю́:/ возведи́ от тли́ живот мой.

Припев: Пресвята́я Богороди́це, спаси́ нас.

Бездна́ последняя́ грехов о́биде мя, и исче́зает дух мой,/ но прости́, Влады́чице, высокую́ Твою́ мышцу/ и, я́ко Гаври́ила, и мене́, ко Твоёй иконе прибега́ющая, невредима сотвори́.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Канон великомученика Феодора Тирона. Глас 4. На 2.

Припев: Святы́й великомучениче Феодоре, моли́ Бо́га о нас.

Посты́тися, Спа́се, не мо́гут, дру́зи и сы́нове черто́га Твоего́: Тебе́ бо Же́ни́ха с Ма́терию и с дру́гом Твои́м учрежда́ют предстоя́ща, и служат.

Припев: Святы́й великомучениче Феодоре, моли́ Бо́га о нас.

Отступи́ Бо́га спаса́ющаго, отступи́ и от ра́зума злоимены́тый, и киче́нием воста́ на ве́ру: но вме́сто сегó обре́те великоимены́таго.

Ин канон великомученика Феодора Тирона. Глас 6. На 2.

Припев: Святы́й великомучениче Феодоре, моли́ Бо́га о нас.

Стра́нному ужаса́ясь видения́ Твоего́, архиере́й проти́во рече́: ты кто еси́, го́споди, глаго́лай мне? вразуми́ и научи́, ка́ко обря́щем скорей́шую по́мощь?

Припев: Святы́й великомучениче Феодоре, моли́ Бо́га о нас.

Феодор рече́: аз есмь́ я́вственнo страстотерпец, и слы́ши: пше́ницу сва́рив, раздели́ лю́дем, и та́ко спасу́тся от скве́рных бра́шен преле́стника.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Катавасия

Богородичная катавасия. Глас 4. Песнь 6.

Ирмос, глас 4: Божество́нное си́е и всечестно́е/ соверша́юще пра́зднество,/ Богому́дрии, Богома́тере,/ прииді́те, рука́ми воспле́щим,// от Нея́ ро́ждшагося Бо́га сла́вим.

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твоею́ благода́тию.

Лик: Го́споди, поми́луй.

Диакон: Пресвяту́ю, Пречістую, Преблагословенную, Сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́вше, са́ми себё́ и друг дру́га, и весь живо́т наш Христу́ Бо́гу преда́дим.

Лик: Тебѣ, Господи.

Священник: Яко благ и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Кондак

Кондак Иверской иконы Божией Матери (перенос с 12 февраля ст.ст.)

Глас 8: Аще и в море ввержена бысть святая икона Твоя, Богородице, / от вдовицы, не могущия спасти сию от врагов, / но явилася есть хранительница Афона / и вратарница обители Иверския, враги устрашающая / и в православней Российской стране / чуствия Тя от всех бед и напастей избавляющая.

Икос: В столпѣ огненне явльшуюся Богоматере икону видевше, / возопиша постников иверских лица: / о Владыко, сподоби нас прияти икону Матере Твоея во утешение странствия нашего; / ты же, Гаврииле, дерзай и вниди в море, / и прими во объятия твоя сокровище, нам являемое, / да будет нам страж неусыпный, покров же, и радость всем христианом, / и хранительница, от бед и напастей избавляющая.

Песнь 7

Канон Богородицы (в память Иверския иконы). Глас 8. На 3.

Ирмос, глас 8: Божия низхождения / огонь устыдѣся в Вавилоне иногда, / сего ради отроцы в печи радованною ногою, / яко во цветнице ликующе, пояху: / благословен еси, Боже отец наших.

Припев: Пресвятая Богородице, спаси нас.

Согрешихом, беззаконновахом, неправдовахом пред Господем, / но, Владычице моя Богородице, / яко Благая угаси огонь Его праведнаго гнева Твоим теплым ходатайством, да поем Ему: / отец наших Боже, благословен еси.

Припев: Пресвятая Богородице, спаси нас.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

В пещи́ искушений и бед опаляемыя ороси́, Богомати, струя́ми Твоих щедрот,/ да посрамя́тся врази́ наши и да разумеют вси,/ яко Ты едина еси́ Владычица Богородица, по всей вселенной сла́вимая.

Канон великомученика Феодора Тирона. Глас 4. На 2.

Припев: Святы́й великомучениче Феодоре, моли́ Бо́га о нас.

Зако́ну рекл еси́ не лежати́ пра́ведником Твои́м, пра́ведный Влады́ко: те́м же Ма́ти Твоя́, и многочу́дный сей раб Твой, све́тлостью па́мяти, сих днесь зако́ны разоря́ют поще́ния.

Припев: Святы́й великомучениче Феодоре, моли́ Бо́га о нас.

Коль сла́дкое и вели́кое, и ра́достное ны́нешнее торже́ство! е́же му́чеников нам до́блейший и преве́лий ны́не вообрази́, еди́нем чудесе́м от нечи́стых чи́стыя лю́ди Христо́вы соверши́в.

Ин канон великомученика Феодора Тирона. Глас 6. На 2.

Припев: Святы́й великомучениче Феодоре, моли́ Бо́га о нас.

Росода́вец печа́ли, и распале́ния о́блак яви́лся еси́, пресла́вне, и спасл еси́ от пе́щи мучи́тельския, зову́щия вся ве́рныя: благослове́н еси́, Бо́же, оте́ц на́ших.

Припев: Святы́й великомучениче Феодоре, моли́ Бо́га о нас.

Царю́ пребеззаконнейший, посрами́ся, и да заградя́тся уста́ твоя́, поуча́ющая на нас беззаконному совету́: разруши́ бо твою́ кре́пость ца́рствуяй Царь и всех Госпо́дь.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в. Ами́нь.

Катавасия

Богородичная катавасия. Глас 4. Песнь 7.

Ирмос, глас 4: Не послужи́ша тва́ри Богому́дрии/ па́че Созда́вшего,/ но, о́гненное преще́ние му́жески попра́вше,/ ра́довахуся, пою́ще:// препе́тый отце́в Госпо́дь и Бо́г, благо-словен еси́.

Песнь 8

Канон Богородицы (в память Иверския иконы). Глас 8. На 3.

Ирмос, глас 8: Седмерицею пещь/ халдейский мучитель/
Богочестивым неистовно разжжé,/ силою же лучшею спасе-
ны сия вѣдев,/ Творцу и Избавителю вопиаше:/ отроцы,
благословѣте,/ священницы, воспойте,// людіе, превозно-
сите во вся вѣки.

Припев: Пресвятая Богородице, спаси нас.

Поют Тя Ангельския силы, превозносит человеческий род,/ благословят
Тя вся тварь, Пречистая Дѣво Богородице./ Приими и от Мене, недостой-
наго, приносимое Тебѣ хваление.

Припев: Пресвятая Богородице, спаси нас.

Пойте, иноцы Афона,/ благословляй, земле Иверская,/ превозноси, вся
странѣ Российская, Благою Владычицу,/ реки чудес от Своея чудотвор-
ныя иконы источающую./ Хвалим, благословим, поклоняемся Ти, Бого-
родице, поюще и превозносяще во вся вѣки.

Канон великомученика Феодора Тирона. Глас 4. На 2.

Припев: Святыи великомучениче Феодоре, моли Бога о нас.

Радости рождеством исполнившая небесная и земная, временным се-
тованием благодать благовременную подаёт венечнику, сплещущи светло
празднственная.

Припев: Святыи великомучениче Феодоре, моли Бога о нас.

Субботствуим, человецы, днесь, от трудов вчерашних почи́вше, за благо-
словившаго настоящий день упокоением, и ныне торжеством мученика.

Ин канон великомученика Феодора Тирона. Глас 6. На 2.

Припев: Святыи великомучениче Феодоре, моли Бога о нас.

Из пламене яко избавился еси, мучениче Феодоре, Божественною силою:
сице и ныне нас спасл еси сам, предстательством божественным твоим,
беззаконнаго совета злокозненнаго.

Припев: Святыи великомучениче Феодоре, моли Бога о нас.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Вечер водворися плач рабом Твоим, от лукаваго ловительства супостата нашего: но во утрое радость возсия, мучениче терпеливоносче, теплою твоею помощию.

Благословим Отца и Сына и Святаго Духа, Господа, и ныне, и присно, и во веки веков. Аминь.

Лик: Хвалим, благословим, покланяемся Господеви, поюще и превозносяще во вся веки.

Катавасия

Богородичная катавасия. Глас 4. Песнь 8.

Ирмос, глас 4: Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действуемое,/ вселенную всю воздвизает пети Тебе:/ Господа пойте, дела,// и превозносите Его во вся веки.

Диакон: Богородицу и Матерь Света в песнях возвеличим.

Песнь Пресвятыя Богородицы

Лик: Величит душа Моя Господа, и возрадовася дух Мой о Бозе Спасе Моём.

Припев: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Яко призре на смирение Рабы Своея, се бо от ныне ублажат Мя вси роды.

Припев: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Яко сотвори Мне величие Сильный, и свято имя Его, и милость Его в роды родов боящимся Его.

Припев: Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Сотвори державу мышцею Своею, расточи гордыя мыслию сердца их.

Припев: Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Низложи сильныя со престол, и вознеси смиренныя; алчущия исполни благ, и богатящиеся отпусти тщи.

Припев: Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Восприят Израиля отрока Своего, помянути милости, якоже глагола ко отцем нашим, Аврааму и семени его даже до века.

Припев: Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Песнь 9

Канон Богородицы (в память Иверския иконы). Глас 8. На 3.

Ирмос, глас 8: Ужасеся о сем Небо/ и земли удивишася концы,/ яко Бог явися человеком плотски/ и чрево Твое бысть пространнейшее Небес./ Тем Тя, Богородицу, // Ангелов и человек чиновачалия величают.

Припев: Пресвятая Богородице, спаси нас.

Тайна глубины Рождества Твоего ум Ангельский ужасает, Дево,/ и пречистая икона Твоя демоны прогоняет,/ не терпяще бо взирати на силу ея, бегают и исчезают./ Мы же той любезно поклоняемся и облобызаем и Тя, Богородицу, величаем.

Припев: Пресвятая Богородице, спаси нас.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Приидите вси, поклонимся, припадём и возвеличим Божию Матерь,/ призревшую на нас, смиренных, алчущия исполняющую благ/ и положившую с нами завет милости во явлении Своея дивныя иконы.

Канон великомученика Феодора Тирона. Глас 4. На 2.

Припев: Святы́й великомучениче Феодоре, моли́ Бо́га о нас.

Стекаётся множество отвсюду, в сень сведения, и живущую благодать, предпросиявшего в славе всех мучеников, со Владычицею всех величаем.

Припев: Святы́й великомучениче Феодоре, моли́ Бо́га о нас.

Мужайся, Христова Церковь, и державствуй все борющимися: Христовы бо друзи и предстоящи о тебе пекутся, и отстоящи якоже доблии, емуже совершаеши благодарственная.

Ин канон великомученика Феодора Тирона. Глас 6. На 2.

Припев: Святы́й великомучениче Феодоре, моли́ Бо́га о нас.

Добре явился еси поборник, преславне, и державное заступление нам чтущим твою честную и вечную память ныне, и твоих страдальчеств исправления, и бывшее в нас Божественное заступление.

Припев: Святы́й великомучениче Феодоре, моли́ Бо́га о нас.

Твое всеблаженне чудо, Феодоре, совершенное святыми тучами, поётся на весь мир, блаженне: темже и летно собирающесе, славу возсылаем Христу, тебе прославльшему.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Богородичная катавасия. Глас 4. Песнь 9.

Ирмос, глас 4: Всяк земнородный/ да възиграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная Богородице, // Чистая Приснодево.

Ектения малая

Диакон: Па́ки и па́ки, ми́ром Го́споду помóлимся.

Лик: Го́споди, помíлуй.

Диакон: Заступи́, спаси́, помíлуй и сохрани́ нас, Бо́же, Твоею́ благода́тию.

Лик: Го́споди, помíлуй.

Диакон: Пресвяту́ю, Пречи́стую, Преблагословенну́ю, Сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́вше, са́ми себé и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко благ и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно, и во ве́ки веко́в.

Лик: Ами́нь.

Светильны

Икону Твою́ всечестну́ю при́м Гаври́л во объ́ятия, вопи́яше Тебе́, Влады́чице:/ о сладкая́ Ма́ти Царя́ Христа,/ бу́ди покров Твое́й обители,/ радость же всем христиа́ном и Споручница́ жизни вечны́я.

Сла́ва Отцу́, и Сы́ну, и Свято́му Ду́ху.

Венчenóсче свя́те, предсто́яй со А́нгелы Христо́ву ны́не престóлу, и све́та отту́ду исполня́йся страсто́носче, мир ми́рови непреста́нно исхо́датайствуй, и нам спасе́ние, благоче́стно светонóсную па́мять твою́ соверша́ющим, Феодо́ре всебога́те, му́чениче преукраше́нне.

И ны́не и прісно, и во ве́ки веко́в. Ами́нь.

Во чре́ве Твое́м Госпо́дь, погиба́ющий мир от тле́ния призва́ти восхоте́в, я́коже ве́даше, всели́ся, Богороди́це. Спасе́ние у́бо вси обрeтше, возопи́им Тебе́ а́нгелово, е́же ра́дуйся, Всепeтая, во всех жена́х благословeнная: и́бо ра́дость породила́ еси́ всей вселeнней.

Стихиры на хвалитех

Канонарх: Глас 4, Всякое дыха́ние да хва́лит Го́спода.

Всякое дыха́ние да хва́лит Го́спода./ Хвалите́ Го́спода с Небе́с,/ хвалите́ Его́ в вы́шних.// Тебе́ подоба́ет песнь Бо́гу.

**Хвалите Его, вси Ангели Его, / хвалите Его, вся Силы Его. //
Тебе подобает песнь Богу.**

Иверской иконы Божией Матери (перенос с 12 февраля ст.ст.) на 2

Стих: На 4: Хвалите Его на силах Его, /
хвалите Его по множеству величества Его.

О, несказанная благодать! / О, славного явления иконы Богоматери, / яже сияет чудеса и просвещает благодатью верно приходящая! / Юже с веселием приемлюще, / Чистую Богоотроковицу // достоительно песнями почитаем и ублажаем.

Стих: Хвалите Его во гласе трубнем, /
хвалите Его во псалтири и гуслах.

О, преславного Твоего о нас, Владычице, промысления! / Чудную бо Твою икону Афону посылаеши / и яко стража нам неусыпна тую подаеши милостивно / и утешение странствию нашему. // Темже, познавше Твою честная чудеса, песнями Тя величаем.

вмч. Феодора Тирона на 2, глас 1

Глас 1. Стих: Хвалите Его в тимпане и лице, /
хвалите Его во струнах и органе.

Мужа изрядна высшего воинствословия, вернии, / яко терпеливаго оружника нашего благочестия, / согласно сошедшая, / песнями таинственными восхвалим, глаголюще: // досточудне мучениче Иисусов, молися о чтущих тя.

Стих: Хвалите Его в кимвалех добротных, хвалите Его в кимвалех восклицания. /

Всякое дыхание да хвалит Господа.

Тезоименитым твоим званием,/ даре Божий воистинну,/ скорбящим всем утешение подался еси, Феодоре треблаженне:/ всякий бо к твоему приближаяся храму воистинну, // с веселием приемля воздаяния чудес твоих, почитает Христа.

Слава, глас 6:

Слава Отцу, и Сыну, и Святому Духу.

Священия дар, и богатство божественных жизни,/ показался еси миру, Феодоре:/ Христос бо мудре твою память прослави,/ в нюже согласно вернии радуящиеся поем // подвиги болезней твоих.

И ныне, глас 4:

И ныне, и присно, и во веки веков. Аминь.

Твой глагол исполняя, Богомати,/ праведный Гавриил немокренно по воде морстей пешествова/ и, восприим священную икону Твою,/ лик песенный состави/ и торжество с постники афонскими совокупи./ Темже и мы, удивляющиеся, вопием Первоинновному:/ слава Тебе, сотворшему дивная,/ Единому Царю и Богу, молитв ради Богородицы!/ Сохрани люди христианския// и победы на враги даруй, яко Всесилен.

Священник: Слава Тебе, Показавшему нам свет.

Славословие великое

Лик: Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя великия ради славы Твоея.

Господи, Царю Небесный, Боже, Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, вземляи грех мира, помилуй нас. Вземляи грехи мира, прими молитву нашу. Седяи одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяк день благословлю Тя и восхваляю имя Твое во веки, и в век века. Сподоби, Господи, в день сей без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим *(Трижды)*.

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоём узрим свет. Пробоуди милость Твою ведущим Тя.

Святыи Боже, Святыи Крепкий, Святыи Безсмертный, помилуй нас *(Трижды)*.

Слава Отцу и Сыну и Святому Духу, и ныне и присно и во веки веков, аминь.

Святыи Безсмертный, помилуй нас.

Таже высочайшим гласом: Святы́й Бо́же, Святы́й Кре́пкий, Святы́й Безсме́ртный, поми́луй нас.

Тропари в конец Утрени

Тропарь вмч. Феодора Тирона

Глас 2: Вѣлия вѣры исправлѣния,/ во истѣчнице пламене,
яко на водѣ упокоѣния,/ святы́й мученик Феодор радоваше-
ся;/ огнемъ бо всесожжѣгся,/ яко хлебъ сладкий Троице прине-
сѣся./ Того́ молитвами, Христѣ Бо́же, // спаси́ дѹши наша.

Сла́ва Отцѹ, и Сы́ну, и Свято́му Дѹху, и ны́не, и прѣсно, и во
вѣки веко́в. Ами́нь.

Тропарь Иверской иконы Божией Матери (перенос с 12 февраля ст.ст.)

Глас 1: Дѣрзость ненави́дящихъ образъ Го́сподень/ и держава
нечестивыхъ безбожно в Никею при́иде,/ и по́сланнии безче-
ловечно вдовицу,/ благочѣстно чтущюю икону Богоматере,
истязу́ют,/ но та́я но́щию с сыномъ икону в море пу́сти, вопи́ю-
щи:/ Сла́ва тебѣ, Чѣстая,/ яко непроходимое море плещи́ своя
подаде́, // сла́ва правоше́ствию Твое́му, Еди́на Нетле́нная.

Сугубая ектения

Диакон: Помилуй нас, Бо́же, по вели́цей ми́лости Твое́й, мо́лимъ Ти ся, услы́ши
и поми́луй.

Лик: Го́споди, поми́луй (*трижды*). (*на каждое прошение*)

Священник: Яко Ми́лостивъ и Человеколю́бецъ Богъ еси́, и Тебѣ сла́ву возсы-
лаемъ, Отцѹ и Сы́ну и Свято́му Дѹху, ны́не и прѣсно и во вѣки веко́в.

Лик: Ами́нь.

Ектения просительная

Диакон: Исполним утреннюю молитву нашу Господеви.

Лик: Господи, помилуй. (на каждое прошение)

Диакон: Дне всего совершенна, свята, мирна и безгрешна у Господа просим.

Лик: Подай, Господи. (на каждое прошение)

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Бог милости и щедрот и человеколюбия еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Твое бо есть, еже милovati и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Диакон: Премудрость.

Лик: Благослови.

Священник: Сый благословен Христос, Бог наш, всегда, ныне и присно, и во веки веков.

Лик: Аминь. Утверди, Боже, святую православную веру, православных христиан во век века.

Священник: Пресвятая Богородице, спаси нас.

Лик: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Священник: Слава Тебе, Христе Боже, упование наше, слава Тебе.

Лик: Слава Отцу и Сыну и Святому Духу, и ныне и присно и во веки веков. Аминь. Господи, помилуй (*трижды*). Благословии.

Отпуст

Христос Истинный Бог наш, молитвами Пречистой Своей Матере, вмч. Феодора Тирона, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святейшаго Патриарха Московскаго и всея Руси, / богохранимую страну нашу Российскую, / настоятеля, братию и прихожан святого храма сего, / и вся православныя христианы, // Господи, сохрани их на многая лета.

1-й час

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается

Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похвалятся о Тебе любящим имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и преидет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьмдесят лет, аще же в силах, осьмдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчезит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим

не ядях. Очи мой на верныя земли, посаждати я со мною: ходяй по пути непорочну, сей ми служаше. Не живяше посреде дому моего творяй гордыню, глаголяй неправедная, не исправляше пред очима мойма. Во утрия избивах вся грешныя земли, еже потребити от града Господня вся делающыя беззаконие.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Тропари

Иверской иконы Божией Матери (перенос с 12 февраля ст.ст.), глас 1

Дерзость ненавидящих образ Господень / и держава нечестивых безбожно в Никею прииде, / и посланнии безчеловечно вдовицу, / благочестно чтущую икону Богоматере, истязуют, / но тая ноцию с сыном икону в море пусті, вопиючи: / Слава тебе, Чистая, / яко непроходимое море плещи своя подаде, / слава правосшествию Твоему, Едина Нетленная.

Слава Отцу, и Сыну, и Святому Духу.

Тропарь вмч. Феодора Тирона, глас 2

Велия веры исправления, / во источнице пламене, яко на воде упокоения, / святыи мученик Феодор радовашеся; / огнем бо всеожжегся, / яко хлеб сладкий Троице принесеса. / Того молитвами, Христе Боже, // спаси души наша.

Чтец: И ныне, и присно, и во веки веков. Аминь.

Богородичен: Что Тя наречем, о Благодатная? / Небо, яко возсияла еси Солнце Правды. / Рай, яко прозябла еси цвет нетления. / Деву, яко пребыла еси нетленна. / Чистую Матерь, яко имела еси на святых Твоих объятиях Сына, всех Бога. / Того моли спастися душам нашим.

Стопы моя направи по словеси Твоему / и да не обладает мною всякое беззаконие.

Избави мя от клеветы человеческия, / и сохраню заповеди Твоя.

Лице Твое просвети на раба Твоего / и научи мя оправданием Твоим.

Да исполнятся уста моя хваления Твоего, Господи, / яко да воспою славу Твою, / весь день великолепие Твое.

Святы́й Бо́же, Святы́й Кре́пкий, Святы́й Безсме́ртный, поми́луй нас. **(Трижды, с крестным знаменем и поясным поклоном)**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Трѳице, поми́луй нас; Го́споди, очисти грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, поми́луй. **(Трижды)**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

О́тче наш, И́же еси́ на небесе́х! Да святѳтся и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникомъ на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство и сила, и сла́ва Отца́ и Сы́на и Свята́го Ду́ха, и ны́не и прісно и во ве́ки веко́в.

Чтец: Ами́нь.

Кондак вмч. Феодора Тирона, глас 8

Ве́ру Христо́ву я́ко щит внутри́ приѳем в се́рдце твоѳем, проти́вныя си́лы попрал еси́, многострада́льче, и венце́м небѳсным венча́лся еси́ ве́чно, Феодоре, я́ко непобедѳмый.

Го́споди, поми́луй **(40 раз)**.

И́же на всякое вре́мя и на всякий час, на Небеси́ и на земли́, покланя́емый и сла́вимый, Христе́ Бо́же, Долготерпелѳве, Многомѳлостиве, Многоблагоутрѳбне, И́же пра́ведныя любя́й и грѳшныя мѳлуяй, И́же вся зовѳй ко спасѳнию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живѳт наш к за́поведем Твоѳим, ду́ши на́ша освяти́, телеса́ очисти, помышле́ния испра́ви, мы́сли очисти и изба́ви нас от всякия ско́рби, зол и болѳзней, огради́ нас святы́ми Твоѳими А́нгелы, да ополче́нием их соблюда́еми и наставля́еми, дости́гнем в соединѳние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Го́споди, поми́луй, **(Трижды)**.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Честне́йшую Херуві́м/ и сла́внейшую без сравне́ния Серафі́м,/ без ислѣ́ния Бо́га Сло́ва ро́ждшую,/ су́щую Богоро́дицу, Тя велича́ем.

И́менем Господ́ним благослови́, о́тче.

Священник: Бо́же, ущѣдри ны и благослови ны, просвети́ лице́ Твое́ на ны и помилуй ны.

Чтец: Аминь.

Священник: Христе́, Све́те Исти́нный, просвещáяй и освящáяй вся́кого чело́века, грядúщаго в мир, да зна́менается на нас свет лица́ Твоего́, да в нем у́зрим Свет Непристу́пный: и исправи́ стопы́ на́ша к де́ланию за́поведей Твои́х, моли́твами Пречи́стыя Твоея́ Ма́тере, и всех Твои́х святы́х, ами́нь.

Лик: Взбра́нной Воево́де победи́тельная, / я́ко изба́вльшеся от злых, / благода́рственная воспису́ем Ти раби́ Твои́, Бого́родице, / но я́ко имúщая держа́ву непобеди́мую, / от вся́ких нас бед свободи́, да зове́м Ти; // ра́дуйся, Невѣсто Невѣстна́я.

Священник: Сла́ва Тебе́, Христе́ Бо́же, упова́ние на́ше, сла́ва Тебе́.

Лик: Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь. Го́споди, помилуй, **(Трижды)** Благо́слові́.

Отпуст

Христос́ Исти́нный Бог наш, моли́твами Пречи́стыя Своея́ Ма́тере, преподо́бных и богонóсных оте́ц на́ших и всех святы́х, помилует и спасѣ́т нас, я́ко Благ и Человеколю́бец.

Лик: Го́споди, помилуй, **(Трижды)**.